

شعر

البحر بيفكرنى بيك

نجاته قطره

الطبعة الأولى
الكتاب : البحر بيفكرنى بيك
المؤلف : نجاه قطب
تصنيف الكتاب : شعر
تصميم وإخراج : أحمد عبد الحليم
المقاس ١٤ × ٢٠
رقم الإيداع : ٢٧٠٧٧ / ٢٠١٥
الترقيم الدولي : 0 - 155 - 776 - 977 - 978

دار يسطرون



طباعة وتوزيع الكتب فى جميع أنحاء العالم
المكتبة والطبعة : ٣ ش صفوت - محطة المطبعة
شارع الملك فيصل - الجيزة
جمهورية مصر العربية
٠١١٥٧٧٦٠٠٥٢ - ٠١٢٢٩٣٠٠٠٢٩

مدير الإنتاج : أحمد عبد الحليم

المدير العام : أحمد فؤاد الهادى

رئيس مجلس الإدارة : عماد سالم

بريد إلكترونى : yastoron@gmail.com

موقعنا على الفيس بوك : مؤسسة يسطرون لطباعة وتوزيع الكتب

جميع الحقوق محفوظة للمؤلف

الإهداء

إلى سر حياتي
العزيزات بناتي
اهدي لهن نبضاتي

بجاءة تطب

اقتراک

اتحداك رغم البعد

باعيش جواك

اتحداك مهما بعدت

بعيد عن عيني

انك دايمًا راح تلاقيني

رغم البعد

باعيش جواك

مهما حاولت تمون امرى

ومهما حاولت تخيب ظني
هافضل كده ولآخر عمري

رغم البعد

باعيش جواك

كلمه وبقولها وعارفه باي

اقرب من رمشك للنني

وأقرب من نجمك لسماك

انا وبجد حنيني مالييني

رغم البعد

باعيش جواك

انا على شوقك عندي أدله

تثبت اني النور والضله

مهما تتوه ولا تعاند
قلبك ليا انا بس لوحدي
مش هايجب بشر من بعدى
ولا راح يشغل بالك قدى
وأتحداك
رغم البعد انا جواك

اوارى عليك

روحى فيك
وأدارى عليك
سنين اشكى
مرار بعدك
وأدارى عليك
أنام واصحى
فى ضى عينيك
وينده لك

حنيني إليك
روحي فيك
تنده لك
وتبعت لك
كثير سلامات
يعنى الطير
وينده لك
عشر مرات
تعدى النسمة
وتقول لى
كثير حكايات
ياقلبي مانت

روح قلبى
ونن العين
وأتمنى أعيش
العمر يبقى اتنين
وروحى التايهه
تنده لك
يا عمرى ما أنت
نن العين

اصرف

اصرخ بعلو الصوت

وأقول موجوع

ماهو الوجع

مصاحبي

ملازمني

في ليلي ونهارى

ولا أقول مقهور

ما القهر بقه

حته منى

موصول

ومرقع زى توبى

ولا أقول مكسور

ماانا ضهرى

مكسور

ومحنى

زى عمودى

ياناس يابشر

مين يشيل

المر من قدامى

من كتر ماشربته

بقى مر علقم

ومرارى

اعزرنی

حرکت قلبی و عواطفی
جوا برکان المشاعر
والتقیة نفسی باحبك
ویا احساسی كشاعر
قلبی ماعاد هو قلبی
والسهر أصبح طریقى
ابتدیت أشعر بحبك
جوا قلبی جوا ذاتی

كل نبضه جوه قلبی
غیرت مجری حیاتی
فی الخفا ساکن فی قلبی
مانت جی و مش نصیبی
انده اسمک یاحیبی
عاوزه لو تسمعها منی
او تګون جنبی تواسینی
لی عذری لو خبیت شعوری
باهوی من غیر عتاب
بص فی عینی ثوانی
تلتقی ملیون جواب
کلهآ بتقول باحبک
دی الحقیقه مش سراب

اعشق ترابك

اعشق ترابك يا حبيبتى
ياللى انت سكنى ومدنيتى
اصل التاريخ والحضارة
يا بنت النهر بامارة
ياست الحسن انا منك
ولمحه فى ربيع سنك
وعايشه فى قلبى اكمناك
زرعت نبى وأصولى

ياساكنه قلبي وإحساسى

وانت عزوتى وناسى

ياصاينه العشره بالمعروف

ونيلك للعليل موصوف

ياقايده فى الظلام نورك

ماينساش التاريخ دورك

ياست الحسن يامصهله

نظرة عنىكى مكحله

متزينه و متلونه

نبض الشوارع دندنه

شعر وفن وسلطنه

ياحببتى يااجمل جوهره

البحر يفتنني بيك

البحر يفكرني بيك

نظرة عينيك الصافية

تشبه ميته

هدوءك اللي مختلط

بالانفعال

لكنه بينقط جمال

ساعات احس

انك خلاص

مش طابق حتى كلمتى

لكن فى لحظه تتمحى

كل الظنون

ساعة ما اكون بانزف

آهاتى ودمعتى

البحر بيفكرنى بيبك

ساعة ما كانت نظرتك

مجنونه

من كتر الحنان

البحر برضه نظرتة

فيها الجنان

ايام باشوفك فرحتى

وساعات احسك
تدبح في الامان
تتصور
اني باحب البحر
واعشق قسوته
واحب صورته ونظرته
مع انه زارع
جوا نبض القلب شوك
لكنى باحبه
علشان حقيقي
البحر بيفكرني بيبك
وعطشانه لخصن البحر
يديني الامان

أعمُّ الأَصَالَةِ

يا أم الإيدين متكتفين
والدنيا وخداك
مش عارفه فين
جواكي مرار عارفاه سنين
ضامه الوجع
حاضنه الأنين
لاف يوم راح انسى كلمتك
ولا نبرة صوتك الحزين

ولا اى ممكن
انكسر للريح
واطاطى للبشر
لو هو مين
الدمع جوا عنىكى
الاسى جوا الانين
ياشمس تتحدى
الغيوم
نايمه على حجر الوجع
وعنىكى تايهه
ف بحر هموم
مستحمله سن الألم
اللى يقطع هدمتك

تتوجعي تتألى
وتنجي وجعك
تحت طرحة ضحكك
مع ان اولادك شداد
لما يعوزوا يقدروا
ويكسروا ضلوع العناد
كل الأمانى والتمنى
الشهامه
الأصاله
كلها بعدك عدم
تاريخ كبير شايله
على اکتافك سنين

جروح بتترف
بالمرار
لو هاقعد اكتب
قصتك
مايكفي عمرى
ولا حتى آخر دنيتك
باحلم أعيش
لحظه وحيده
فى جنتك
تكفينى آلاف
السنين
مع نظرة عينك
الطيبين

أُنيات

أمنى النفس
بوجودك
وشوقى واقف
على حدودك
قلبي هام
بوهم وصالك
اتاك القلب مناديا
يرجوك وصلاً

يناشد بالهوى
قلب المحال
وجدت قلبك موصداً
صعب المنال
وعندى الحب إحساس
ونبض أذاب الصخر
في أعنى الجبال
عشت خيالاً محالاً
يملاً الوجدان
وحلقت بخيالي
وعشت معه
كل الحنان

كان لى يوما عشقاً
يملاً كل الكيان
وتراءت بخيالاتى
كل روايات الحب
عبر الأزمان
وظللت أهيم بالوجود
مع حب لاينام
أنام الليل
وقلبى فى سقام
بداء الحب
يهذى بالمحال
وهو مازال لى العشق

وكل الغرام
وها أنا وماتبقى من رفات
هاهي الآن صارت
أمنيات

أُمِّي يَانْبِيعُ الْحَنَانِ

أمی یانبع الحنان
حاضنه القلب من زمان
مین قال ملامحك تتنسی
وانتِ اللى ساكنه دنیقی
صورتك قصادی فی نظرتی
وملامحی وسکتی
أمی یاكل الحكاوی
أمی یاكل الغناوی

انت أحلامي وآمالي
كل عام وانت الاصيله
واللى حضناني بجناتها
كل صبح وكل ليله
ألقي حبك جوا دمي
يجرى جوايا يامي
لما غبت الدنيا غابت يامه مني
يااللى كنتِ شايله الهم عنى
مين كان يصدق
انك فى لحظه تودعى
ولا تسمى
صوت الاذان

وانت اللى كنت تسمعى

قلبي اللى دايمًا

يشتكى لك م الزمان

وتطمينى بدعوتك

وف ضمتك

ألقانى غرقانه حنان

أمى يانبع الأمان

بيت العز

يا بيت الأهل والأحباب

ليه الحب بعدكم غاب

والقلوب ملاحا

الجفا والسراب

يا بيت العز والأحباب

دا القلب في بعدكم

رق وداب

ابكى عليك يازمن

ولا ابكى على مين
بعد ماراحوا الأحبه
والدمع مالى العين
والقلب ياما اشتكى
كثر المرار والأنين
مالقتش غير الجفا
والقسوه بدل الحنين
من ناس نسوا معنى الوفا
والحب كمان ناسيين
والجرح ماله دوا
من هجر ناس قاسيين
باعوا برخص الثمن

لو إهمم غاليين
مجروح وقلبي انكوى
واشكى عذابي لمين
يارب بايدك الشفا
تداوى قلب المجروحين
وتعدل حال الزمن
وتغير قلب
نبضه حزين

جنان

وجنوني حكاية عشقى

بتشغل قلبى وعيونى

وتدخل جوا تكوينى

خيالى حنانك شئ

احلى شئ شفته

فى حياتى

قلبى يدوب فيه

ويفرح

فكرى هام مع خيالى
جوا عقلى وف وجدانى
الكلام يعجز فى وصفه
مهما أكتب فيه وأوصف

فكرى يهرب
وجدانى صاحى
حركت فيه سكاتى

شطك أمان

بحرك حنان

وانا اللى غارقه

من زمان

أشوف طيفك

يحييني

قبل الأوان

يا قلب صافي دقته

بر الأمان

يا صبح دافي طلعتته

يحيي المكان

الشوق في قلبي

من زمان

عطشان حنان

خلص الكلام

لسه جاى تقول باحبك
هاتلاقينى مش باجاوب
السكوت دا غصب عنى
والهروب عن ذهنى غايب
مين فينا هو اللى اتظلم
فى الحب ولا حسش عذاب
انا مش هاقول مين السبب
وابداً معاك تانى العتاب

قلبي ياما عليك قلق
وانت بادي بالغياب
يا جارحني بقسوتك
قلبي كان حبك وتاب
خلص الكلام الحلو
وفي طعمه المرار
خلص الكلام الحلو
ومليت انتظار
تعبت من كثر الكلام
اللي انت بتقوله وتنسى
وشبعت من جمل الغرام
وبعدها ألقاك بتقسي

قلبي حبك واشتكي
ظلمك وغدرك
بس رافض يخدعك
ويقول هاسامحك
هانسى الحب زمانه وناسه
وانسى الدنيا بدون تفكير
قلبي الصابر راح يتغير
فين حتلاقي لقلبي نظير

لا يا حبيبي

لا يا حبيبي وألف لا
عذبتني والقلب كان
فاكرك ملاك
تأمر وتنهي
ينشغل تاني بهواك
بنار لهيبك ينكوي
ويقول فداك
يعيش في حيره وينتظر

لحظة رضاك
عايزنى اصبر ع الجفا
وانت جارحنى
لا يا حبيبي مش أنا
أرجوك سامحنى
قلبي اللى حبك وانكوى
قال لى وصارحنى
ازاى تعاتب فى الهوى
إنسان بايعنى
أسفه مش ح اقدر
أسامحك
أو فى يوم أزعل وأغير

ياما شفت الغدر منك
والعذاب ألوان كثير
لما شففتك ويا غيرى
والقبل بينكم سفير
إياك تقول كان ضعف منك
أو تقول كان غصب عنك
مش ح اكذب يوم عنى
ولا أقول نزوة شيطان
ح أرفضك من كل قلبى
مش راح اديلك أمان
ياللى كان حبك حياتى
ح أرفضك من كل قلبى
بعد ما خسرت الرهان

والكش في الطيب

بأيديك طلعت القمر
ياما خدني الليل والسهر
وبأيديك قلبي انقهر
ياعين كفاني نظر
ماعدت اقدر اتحمل
فقلبي مش حجر
قلبي من قسوة مرارك
ساب ضلوعى

وعاش وحيد
واللى كان ساكن ويريدى
ساب ويريدى
وراح بعيد
معقوله هتسيب الوجع
ينهش فى قلبى
اللى انجرح
مين اللى خلى قسوتك
تدبح فى وجدانى الحنين؟!
مين اللى قال لك تصلب قلبى
اللى طول عمره حزين!
لاقلب حاسس لوعتى

ولا إيد تاخذني لسكتي
وأنا اللي كنت فاكراك

جنتي

وانك حياتي ودينتي

أنا مش هاقول

أمرك غريب

لكن مالکش

في الطيب نصيب

عذبت قلبي جرحتنی

وأنا كنت لك

أوفي حبيب

متى اللقاء؟

متى ألقاك يا أملى
ويعود القرب بعد فراق
أملى في بكرة ترجعلى
ويجمعنا لقا الأشواق
يا أجمل صورة في عني
منقوشه في جدار القلب
ح أعيش العمر اندهلك
ولا أفارق في يوم الدرب

فأنت الفرح لو ضاقت بي
الدنيا مع الاحزان
انت الدفء في صدرى
وانت الشوق مع الوجدان
هاشوفك تانى ياعمرى
ونروى الحب من البستان
ياأجمل صورة في عنيّ
بتحكى عنها الأيام
وتكتب عنها أشعارى
وتوصفها بأحلى كلام
ح تحكى إني حبيتك
وعشت معايا أحلى غرام
منايا ياروحى ترجع لى
وأشوفك تانى لو فى منام

نظرة عينيك

قلبي اللى كان

مليان غرام

أصبح خلاص

من بعد قربك

نبضته

تحضن تغاريد الكلام

تنسى اللى راح

وتفتكر

نظرة عينيك
ورقتك
حتى بأحضان
الملام
مين اللي يقدر غيرك أنت
يملا عيني
مين اللي يقدر
يحتويني إلا انت
اوعى تخلى القسوة
تعرف سكتك
اوعى تقول إن لحظه
مممكن انسى مره نظرتك

عاشق الضى اللى جاى من سكتك

عاشق هواك وضممتك

يانبض عايش

فى الوريد

ياأحلى كلمه

كتبتها

ورسمتها

وعشقتها

حتى لو كانت بعيد

قلبك دا نبع الحب

واحلام الوريد

وجع الأُنين

والوجع
وحدى فى غربة ليلى
لافف أنينه والوجع
فى دنيتى
دبح جوايا الفرح
مع إنى يادوب
هيرفرف الطير اللى غرد
جوا قلبى اللى انشرح

ماتت معايا فرحتى
وانت اللي ساكن دنيتي
والحزن خدني لليل غريب
ساكن روحي واخذها بعيد
احفر طريقك يا وجع
في القلب والشريان
الحزن بعدك والفرح

كفنتهم

ماعادتش تفرق
دمعتي من بسمتي
كل المشاعر طعمها
في الحلق طافح مُرها

وانت اللي راسم سكتي
و كنت تايهه في وحدتي
مش قادره انعى فرقتك
يمكن لأني
لسه باحلم باللقا
سهرانه أنا
احسب ساعات اللقا
والليل طويل
لافف جذوره على الوريد
والكون عليل
قاعده على الشط الكبير
والموج كتير

حاسه

كأن البحر عارف شكوتي

شاعر بأحزاني

وعاوز صحبتي

والشمس راحت في المغيب

خدت معاها الأمنيات

والوقت فات

والبحر لسه صرخته

رافضه السكات

ورجعت ياقلبي

مليان وجع

مكتوب عليك

انك تعيش عمرك حزين
تايه في أحضان السنين
وحدك في غربة ليل حزين

أُمُّ الْعَيُونِ

يا أم العيون السود دباحه
والرمش جميل قاتل بالراحه
والننى البنى يرمى بسهمه
والنظرة راشقه بقلبي ومرتاحه
بشويش وحياتك علىّ يا صبتيه
عيونك بتخش القلب ورماحه
يا أم العيون السود قتاله
بسهام الحب بترمى وفعاله

وخذاني بنظرة تعذب وجباره
لما لقيت نفسي بسهامك رحاله
تسقينى الحب ياغداره بقطاره
وخلتيني تعبانه فى حبك محتارة
ياحلوه عيونك دى عجيبه
بتجرح وتداوى وطيبه
تقربنى وتبعدنى عجيبه وغريبه
أعمل إيه ياناس أنا فى حيره
من قلبى العاشق للعيون الجميله

الفهرس

٥	اتحداك.....
١١	ادارى عليك.....
١٧	اصرخ.....
٢١	اعذرنى.....
٢٥	اعشق ترابك.....
٢٩	البحر بيفكرنى بيك.....
٣٥	أم الأصاله.....
٤١	أمنيات.....
٤٧	أمى يانبع الحنان.....
٥٣	بيت العز.....
٥٩	حنان.....
٦٥	خلص الكلام.....
٧١	لا يا حبيبى.....
٧٧	مالكش فى الطيب.....
٨٣	متى ألقاك؟.....
٨٧	نظرة عينيك.....
٩٣	وجع الأنين.....
١٠١	أم العيون.....

